

Na osnovu člana 6. Uredbe sa zakonskom snagom o ustanovama /"Sl.list R BiH", br. 6/92 i 13/94/, i člana 3. Statutarne Odluke o organizaciji Opštine Lukavac u skladu sa Ustavom Federacije BiH br. 289/94 od 11.08.1994.godine, Opštinsko vijeće Lukavac na sjednici od 26.februara 1998.godine, d o n o s i

## O D L U K U

### **o osnivanju Javne ustanove Centar za kulturu Lukavac**

#### **Član 1.**

Opština Lukavac /u daljem tekstu: osnivač/ osniva Javnu ustanovu Centar za kulturu Lukavac.

#### **Član 2.**

Puni naziv Javne ustanove je:  
**JAVNA USTANOVA CENTAR ZA KULTURU LUKAVAC**  
Sjedište ustanove je u Lukavcu Ul. Macan Anton bb.  
Ustanova ima status pravnog lica.

#### **Član 3.**

Javna ustanova Centar za kulturu Lukavac obavlja slijedeće djelatnosti:

- 22120 - izdavanje novina
- 22130 - izdavanje časopisa i periodičnih publikacija
- 22150 - ostala izdavačka djelatnost
- 22210 - štampanje novina
- 22220 - štampanje na drugom mjestu nespomenuto
- 55300 - restorani
- 55400 - barovi
- 75123 - djelatnosti javnih ustanova koje pružaju zdravstvenu zaštitu, obrazovne, kulturne i druge društvene usluge, osim obaveznog socijalnog osiguranja, na lokalnom nivo
- 80420 - obrazovanje odraslih i ostalo obrazovanje, na drugom mjestu nespomenuto
- 92110 - snimanje filmova i videofilmova
- 92120 - distribucija filmova i videofilmova
- 92130 - prikazivanje filmova
- 92310 - umjetničko i književno stvaralaštvo i scensko izvodjenje (reproduktivna umjetnost)
- 92320 - djelatnosti objekata za kulturne priredbe
- 92340 - ostale zabavne djelatnosti, na drugom mjestu nespomenute
- 92623 - ostale sportske djelatnosti.

#### **Član 4.**

Javnoj ustanovi osnivač prenosi na upravljanje i raspolaganje bez naknade slijedeće:

- poslovnu zgradu Doma kulture Lukavac Ul. Macan Anton sa pripadajućim građevinskim zemljištem izuzev dijela zgrade koji se Odlukom osnivača prenosi Javnoj ustanovi Javna biblioteka i JP Radio-televizija Lukavac,
- odgovarajuću opremu i inventar u poslovnoj zgradi, osnovna sredstva prema popisnim listama sačinjenim do donošenja ove Odluke,
- novčana sredstva sa računa JP za kulturu i informisanje, zatečeno u trenutku osnivanja ove Ustanove, tj. prestanka rada JP za kulturu i informisanje Lukavac,

- stanovi dati na korištenje radnicima raspoređenim u Ustanovi.

#### **Član 5.**

Za osnivanje i početak rada Ustanove osnivač obezbjeđuje sredstva u iznosu od 1.000 KM.

#### **Član 6.**

Finansiranje djelatnosti Javne ustanove vršit će se iz:

- budžeta Opštine,
- ličnog učešća korisnika usluga,
- dobiti koju ostvari ustanova pružanjem usluga,
- zakupnine, poklona, donacija i drugih izvora koje utvrdi osnivač u skladu sa Zakonom.

#### **Član 7.**

Odluka o promjeni ili proširenju djelatnosti kao i izvršenje statusnih promjena spajanja, pripajanja ili promjena druge vrste, donosi se na način utvrđen u Pravilima obaveznog oblika udruživanja Javne ustanove i ne mogu se vršiti bez saglasnosti osnivača.

#### **Član 8.**

Javna ustanova ima osnovni akt Pravila Javne ustanove centar za kulturu.

Pravila Javne ustanove donosi Upravni odbor Ustanove uz saglasnost Načelnika opštine.

Javna ustanova može imati i druga akta kojima se uređuju pitanja vezana za njen rad i poslovanje a donosi ih Upravni odbor ako ovom Odlukom ili Pravilima obaveznog oblika udruživanja Ustanove nije drugačije uređeno.

#### **Član 9.**

Višak prihoda nad rashodima Javna ustanova može koristiti za obnavljanje i razvoj osnovne djelatnosti.

#### **Član 10.**

Javna ustanova u pravnom prometu istupa samostalno u svoje ime i za svoj račun, a za svoje obaveze odgovara svim svojim sredstvima – potpuna odgovornost.  
osnivač je supsidijarno odgovoran za obaveze Ustanove.

#### **Član 11.**

Medjusobna prava i obaveze između osnivača i Javne ustanove uređuju se ugovorom koji se zaključuje u pismenoj formi.

#### **Član 12.**

Organi upravljanja, rukovodjenja i kontrole u Javnoj ustanovi su:

- Upravni odbor,
- direktor i
- Nadzorni odbor.

### **Član 13.**

Upravni odbor Javne ustanove broji 5 članova,  
Direktora Javne ustanove imenuje Upravni odbor na osnovu javnog konkursa koji se objavljuje u javnim glasilima uz saglasnost Načelnika opštine.

### **Član 14.**

Ako se ne izvrši imenovanje direktora Upravni odbor javne ustanove imenuje vršioca dužnosti koji rukovodi Ustanovom do imenovanja direktora, najduže do godinu dana.

Sastav, način imenovanja članova, trajanje mandata i način rada Upravnog i Nadzornog odbora utvrđuju se Pravilima obaveznog oblika udruživanja Ustanove.

### **Član 15.**

Upravni odbor Javne ustanove:

- utvrđuje razvojnu i poslovnu politiku,
- donosi Pravila obaveznog oblika udruživanja Ustanove,
- donosi opšti akt o unutrašnjoj organizaciji i sistematizaciji,
- imenuje i razrješava direktora Ustanove,
- odlučuje o statusnim promjenama,
- odlučuje o pravima, obavezama i odgovornostima radnika iz radnog odnosa kao drugostepeni organ,
- usvaja izvještaje o poslovanju Ustanove i godišnji obračun,
- vrši i druge poslove u skladu sa zakonom i Pravilima Ustanove.

### **Član 16.**

Direktor Ustanove vrši slijedeće poslove:

- organizuje i rukovodi radom i poslovanjem Ustanove,
- zastupa i predstavlja Ustanovu, preduzima mjere za njihovo sprovođenje,
- podnosi izvještaje o poslovanju i godišnje obračune,
- predlaže unutrašnju organizaciju Ustanove i sistematizaciju poslova,
- odlučuje o pravima, obavezama i odgovornostima radnika iz radnog odnosa i vrši i druge poslove u skladu sa zakonom i Pravilima Ustanove.

### **Član 17.**

Nadzorni odbor Ustanove:

- analizira izvještaje o poslovanju Ustanove,
- nadzire nad upotrebom sredstava za rad,
- izvještava osnivača, Upravni odbor i direktora o rezultatima nadzora,
- vrši i druge poslove nadzora u skladu sa Zakonom i Pravilima ustanove.

### **Član 18.**

Ova Odluka služi kao osnivački akt na osnovu kojeg će se izvršiti upis u sudski registar Ustanove.

Upisom Javne ustanove Centar za kulturu Lukavac u sudski registar prestaje sa radom Javno preduzeće za kulturu i informisanje.

**Član 19.**

Javna ustanova Centar za kulturu Lukavac dužna je da donese Pravila obaveznog oblika udruživanja i Pravilnik o unutrašnjoj organizaciji u roku od 30 dana od dana stupanja na snagu ove Odluke.

**Član 20.**

Ova Odluka stupa na snagu danom objavljivanja u Službenom glasniku Opštine Lukavac.

**Bosna i Hercegovina  
Federacija Bosne i Hercegovine  
TUZLANSKO-PODRINJSKI KANTON  
OPŠTINA LUKAVAC  
OPŠTINSKO VIJEĆE  
Broj: 01-012.69/98  
Lukavac, 09.03.1998.godine**

**PREDSJEDNIK**

**OPŠTINSKOG VIJEĆA**



*Spomenko Kulić*